

Osumnjičeni za ratne zločine na području Sanskog Mosta

Uhapšeni Milorad, Goran i Ranko Mrđa te Mile Kokot

Počini ubistva, silovanja, premlaćivanja i druga fizička i psihička zlostavljanja žrtava

Službenici Državne agencije za istrage i zaštitu (SIPA) jučer ujutro su na području Prijedora i Banje Luke slobode lišili četiri osobe zbog ratnog zločina. Iz Državnog tužilaštva saopćeno je da su uhapšeni Goran (1973.), Milorad (1970.) i Ranko (1963.) Mrđa i Mile Kokot (1947.) zbog postojanja osnova sumnje da su počinili ratni zločin na području Sanskog Mosta.

Mrđe i Kokot osumnjičeni su da su na području San-



Akcija SIPA-e izvedena u Prijedoru i Banjoj Luci

skog Mosta kao pripadnici Vojske RS počinili ubistva, silovanja, premlaćivanja i druga fizička i psihička zlostavljanja žrtava. Milorad, Goran i Ranko Mrđa uhapšeni su u Prijedoru, a Mile Kokot na području Banje Luke. Sva četvorica prije rata su živjela u selu Lipnik, a ratne zločine za koje se sumnjice počinili su u komšijskim bošnjačkim selima Skucanom Vakufu, Modroju, Gorici i Napreljima.

Milorad je bio prijavljen

u prijedorskom naselju Orlovača, ali se krio u Raškovcu. Radio je kao građevinski radnik u susjednoj Hrvatskoj. Goran Mrđa zvan Kinez držao je noćni klub "Kinez" u Orlovači i često pravio probleme prijedorskoj policiji. Skrivao je svoju ratnu prošlost i nijedan CIPS-ov dokument nije imao. Uz Kineza se vežu ubistva i zlostavljanja, a jedna žena iz sanskog sela Naprelji otvoreno ga je optužila za silovanje. **M.D.**